



BROJ: 10-34-1-292-1/15
04-02-2015

Na osnovu člana 8. Zakona o radu u institucijama Bosne i Hercegovine ("Službeni glasnik BiH br: 24/04, 7/05, 48/05, 60/10 i 32/13) i Odluke ministra odbrane o raspisivanju javnog oglasa za popunu upražnjenih radnih mjesta civilnih lica na službi u Oružanim snagama Bosne i Hercegovine broj: 10-34-1-292/15 od 23.01.2015. godine, Ministarstvo odbrane Bosne i Hercegovine, raspisuje se

JAVNI OGLAS
za popunu upražnjenih radnih mjesta civilnih lica na službi
u Oružanim snagama Bosne i Hercegovine

**ZAJEDNIČKI ŠTAB OS BiH, UPRAVA ZA PERSONAL, ODJELJENJE ZA REGRUTOVANJE,
ZADRŽAVANJE U SLUŽBI I REZERVNE SNAGE:**

1/01 Stručni savjetnik za mentalno zdravlje i psiho-socijalnu asistenciju

Opis poslova i radnih zadataka: Prati primjenu zakonskih i drugih propisa iz oblasti zaštite mentalnog zdravlja i psiho-socijalne asistencije pripadnika MO BiH i OS BiH i vrši implementaciju mjera preventivne mentalno i psiho-socijalne asistencije. Provodi edukaciju iz oblasti zaštite mentalnog zdravlja i psiho-socijalne asistencije, te obuku, kurseve i druge vidove usavršavanja pripadnika OS BiH. Učestvuje u selekciji kandidata za prijem u OS BiH, kandidata za učešće u misijama kolektivne sigurnosti i podrške miru, kao i kandidata za specifične dužnosti u OS BiH i dužnosti sa povećanim rizikom. Ostvaruje i održava kontakte sa porodicama pripadnika jedinica OS BiH prije, u toku i nakon povratka iz operacija kolektivne sigurnosti ili podrške miru, te prati ponašanje pripadnika OS BiH iz oblasti mentalnog zdravlja nakon povratka iz misije najmanje tri godine, a po potrebi pruža psiho-socijalnu asistenciju. Preduzima potrebne mjere i aktivnosti zaštite mentalnog zdravlja lica koja se nalaze u procesu tranzicije i otpusta iz OS BiH. Procjenjuje psiho-socijalne faktore koji utiču na međuljudske odnose i uspjehnost u izvršavanju zadataka pripadnika OS BiH i preduzima mjere i aktivnosti za prevenciju vanrednih događaja. Saraduje i koordinira aktivnosti sa institucijama uključenim u oblast zaštite mentalnog zdravlja i psiho-socijalne asistencije pripadnika MO BiH i OS BiH. Po potrebi, a uz odobrenje nadležnog starješine saraduje sa psiholozima OS zemalja članica NATO PfP i drugim specijaliziranim institucijama zemalja regiona ili NATO PfP zemalja. Koordinira radom svih kapaciteta za mentalno zdravlje i psiho-socijalnu asistenciju u Oružanim snagama BiH. Obavlja i druge poslove iz oblasti mentalnog zdravlja i psiho-socijalne asistencije po nalogu predpostavljenog starješine. Za svoj rad odgovoran je načelniku Odjeljenja.

Posebni uslovi: VSS, diplomirani psiholog, poznavanje rada na računaru i najmanje 3 godine radnog iskustva u struci.

Status: Zaposlenik (civilno lice na službi u OS BiH)

Broj izvršilaca: jedan (1)

Mjesto rada: Sarajevo.